

皇清經解續編卷五百九十七

南菁書院

春秋左氏傳地名補注一

吳沈欽韓文起著

隱公

元經盟于蔑

一統志姑蔑故城在兗州府泗水縣東括地志

縣東四十五里

克段于鄆

方輿紀要鄆陵城在開封府鄆陵縣西南四十里

杜注鄭在滎陽宛陵縣宛乃苑之省文苑陵城在開封府新鄭

縣東北三十八里鄭國都在縣西北寰宇記鄆城在宋州柘城

縣北二十九里鄭克段之地疑遠

盟于宿一統志無鹽故城在東平州東二十里春秋宿國

傳城郎

一統志郎城在兗州府魚臺縣東北八十里

娶于申 方輿紀要申城在南陽府北二十里括地志南陽縣

北二十里

制巖邑也 水經注成皋縣之故城在伾上縈帶伾阜絕岸峻

周高四十許丈城張翕嶮崎而不平卽東虢也一統志在開封

府汜水縣西北元和志汜水縣古東虢國

請京 方輿紀要京城在鄭州滎陽縣東南三十里

至于廩延 一統志酸棗故城在衛輝府延津縣北十五里按

水經注河水又東逕滑臺城北城卽故鄭廩延也據文廩延卽

今滑縣唐之滑州漢晉爲白馬縣杜預謂酸棗縣之延津非也

元和志滑州西南至鄭州三百里太叔段所侵之界如此

城潁 水經注洧水南有鄭莊公望母臺史記正義疑許州臨

潁縣是也

潁谷封人水經注潁水所出一統志潁谷在河南府登封縣

西南

紀人伐夷山東通志紀本在東漢贛榆後遷劇亦稱紀城有臺高九尺俗曰紀臺城旁有劇南城青州府志紀臺城在壽光縣東南三十里一統志北武城在萊州府卽墨縣西六十里古夷國注在城陽莊武縣莊當作壯

敗宋師于黃漢志山陽郡有黃縣王應麟地理通釋春申君傳正義故黃城在曹州考城縣東二十四里此河南之黃城也
按此卽山陽之黃惠公敗宋師宜在此不當遠在陳留之外黃

開封府杞縣考城今屬歸德府
東有外黃城

盟于翼

彙纂云翼在今山東兗州府費縣西南費縣今屬沂

州府

年二經公會戎于潛一統志戎城在曹州府荷澤縣西南紀年

厲王十一年西戎入于犬丘犬丘漢爲太丘在歸德府永城縣

西北三十里

莒人入向于欽齊乘今沂州西南一百里有向城鎮方輿紀

要春秋向之名四見杜預解爲二地承縣在今嶧縣境內龍亢

今鳳陽府懷遠縣寰宇記在莒州南

按樂史時未有莒州

說皆未核惟沂

州之向城爲近之蓋向先爲國後并于莒而或屬莒或屬魯以

攝乎大國間也按莒亦小去沂州尙遠

南至沂州二百二十里

知向國非

沂州之向城鎮也寰宇記向城在密州莒縣南七十五里當從

之

入極 賈逵云極戎邑也晉書地道志高平湖陸縣西有極亭

紀要在兗州府魚臺縣西

盟于唐 紀要武唐亭在魚臺縣東北二十里

盟于密 一統志密鄉故城在萊州府昌邑縣東南十五里卽

此密

傳費庠父 方輿紀要費亭在魚臺縣西南

年經盟于石門 一統志石門在濟南府長清縣西南今圯于

河又云石門在泰安府平陰縣北水經注濟北盧縣故城西南

六十里有故石門去水三百步

傳帥師取溫之麥 方輿紀要溫城在懷慶府溫縣西南三十

里周畿內國

尋盧之盟也

方輿紀要盧城在長清縣西南

一統志無西

二十五

里

債于濟

方輿紀要大清河在長清縣西南二十里自平陰縣

流入境又東北入齊河縣界卽濟水也鄭伯之車債于濟蓋在

縣界元和志劉公橋架濟水在鄆州盧縣東二十七里又北去

齊州長清縣十里胡渭禹貢錐指濟水自東平以下唐人謂之

清河宋南渡後又有大小之分齊乘以大清河爲古濟水小清

河爲劉豫所創黃子鴻以大清河卽漯其小清河所行爲濟水

故道齊召南水道提綱舊濟水會汶于安民亭今東平州西南

十里安山鎮卽古亭也會汶以下東北流今經東阿平陰長清

齊河然後會灤水厯城以東至章丘今自厯城西南溯東平其道又爲大清河所經大清河汶水支津於東平州東六十里之戴村壩下潛出西流依故道曰沙河小清河源出章丘縣東南分水嶺東麓北流俗曰獺河自章丘東北至樂安入海爲古濟水故道是大小清河皆古濟水故道其委輸則異接流正同黃子鴻所說非也

〔四〕經取牟婁 一統志牟城在青州府壽光縣東北二十里婁

鄉城在諸城縣西南四十里索隱云春秋時杞已遷東國故牟婁爲杞之別邑按杜預以爲杞卽都濇于然州公之國尙未亡杞何由得都僖十四年杞爲淮夷所病乃遷緣陵則齊之東境淮夷在徐方若杞先都濇于無由爲淮夷所病蓋杞此時尙在

雍丘此莒人伐杞乃紀之誤孔疏謂滄于雍丘地別而境連此尤孟浪不知方員者矣

遇于清 水經注濟水自魚山北逕清亭東京相璠曰東阿東北四十里有故清亭卽春秋之清也是下濟水通得清水之目按今在泰安府東阿縣西北

于濮 索隱賈逵云濮陳地按濮水首受河又受汴汴亦受河東北至鉅野入濟則濮在魯衛之間賈言陳地非也據地理志陳留封丘縣濮水受濟當言陳留水按水經注濮水一出封丘縣者首受濟別出酸棗縣者首受河方輿紀要濮水在大名府開州南六十里此受河之濮也又濮渠在開封府封丘縣西南此受沛之濮也今黃河遷決濮水絕流賈杜言陳地水謬矣劉

敬曰杜氏云未列于會故不稱君是篡弑之人已會諸侯則無咎矣是豈王法哉

五經于棠 水經注濟水篇荷水又東逕武棠亭北城有

二丈許其下臨水昔魯侯觀魚于棠在方與縣故城北十里

彼祇就杜說唐與棠自爲二地唐亭在魯境內地亦非遠寰宇記棠水在宋州楚丘縣北四十五里從單州成武縣入界南行五里合泡溝卽此棠也

圍長葛 漢志注應劭曰長社宋之長葛也其社中樹暴長因更名長社方輿紀要長社故城在許州長葛縣西一里

傳邠人伐翼 元和志故翼城在絳州翼城縣東南十五里故

邠國今邠州城內西南隅小城是也方輿紀要襄國城在順德

府邢臺縣城西南春秋初邢侯都于此攷翼城在平陽府翼城

縣東南

翼侯奔隨 一統志隨城在汾州府介休縣東後爲士會食邑

侵衛牧 續漢志衛公國有河牧城水經注浮水故瀆東逕河

牧城方輿紀要在東昌府觀城縣境今屬曹州府

邲人 水經注瓠河之北有邲都城隱五年邲侵衛京相璠曰

東郡廩丘縣南三十里有邲都故城按漢志邲都作城都不云

邲國一統志成縣故城在兗州府甯陽縣北本周時邲國然統

志依仿杜氏剛父縣西南之文剛父卽亢父漢屬東平國在濟甯州在甯陽東北

者乃孟氏邑非邲國統志所引成縣乃泰山郡之肥成縣續志誤脫肥字劉昭注因而附會不知肥成云

本國乃承前志應劭云肥子國之文也傳謬已久矣詳見後漢書疏證山東通志邲國城在兗州

府汶上縣西北二十餘里今名古郕集又郕都城在曹州府濮州南六十里郕伯初封之國又子羔所宰乃孟氏成邑在甯陽東北境舊志多誤引

六經盟于艾 齊乘艾山在沂州西三十里寰宇記艾山一名

臨樂山在沂州新泰縣東北三十里

新泰縣今屬泰安府

傳納諸鄂 一統志鄂城在吉州鄉甯縣南一里今之鄂侯故

壘

七經滕侯卒 漢志沛郡公丘縣故滕國今兗州府滕縣

城中丘 一統志中丘城在沂州府蘭山縣東北三十一里

凡伯 方輿紀要凡城在衛輝府輝縣西南二十里

楚丘 杜預云楚丘衛地非也此爲曹楚丘水經注亦誤以成

武之楚丘爲衛文公所居程公說春秋分記曰戎州己氏邑在

今拱州楚丘縣

九域志楚丘屬應天府輿地廣記崇甯四年分屬拱州

戎蓋昆吾之後別

在夷狄周東入于此天王使凡伯聘魯由雒邑道楚丘至仙源

九域志大中祥符五年改曲阜縣爲仙源

逮其歸戎乃要而伐之楚丘在河南宜爲

周魯往來之地以其逼近宋都故漢晉屬梁國

按漢己氏縣屬梁國後漢改屬

濟陰郡晉屬濟陽郡

杜預誤以此爲卽僖二年衛所城之邑水經注亦以

此爲衛文公徙居文公所徙在澶之南衛地在河北凡伯安有

踰河北道衛而南使于魯耶輿地廣記今楚丘縣有景山京岡

乃後人附會名之耳欽韓按漢志云山陽郡成武縣有楚丘亭

齊桓公所城遷衛于此其誤實始于班氏也方輿紀要楚丘城

在曹州曹縣東南四十里衛之楚丘在衛輝府滑縣東六十里

年入經遇于垂 魏世家無忌謂魏王曰文臺隳垂都焚徐廣曰

句陽有垂水經注瓠瀆東逕垂亭京相璠曰句陽縣小成陽東

五里方輿紀要句陽城在今曹州曹縣三十里

歸祊 一統志費縣故城在今沂州府費縣西北二十里劉宋

移縣理祊城卽古祊邑也紀要祊城今費縣治

盟于瓦屋 彙纂云今開封府洧川縣南二十里瓦屋里是其

地按一統志瓦屋頭集在大名府清豐縣東三十五里或謂盟

于瓦屋卽此

名勝志瓦屋頭在開州西南

紀要瓦岡在滑縣東水經注濮渠

東逕滑臺城南又東南逕瓦亭南當是此瓦屋杜預謂周地非

也

盟于浮來 齊乘浮來山在莒州西三十里明公肅云據水經

注沂水東逕蓋縣故城南又東逕浮來之山浮來水注之春秋
公及莒人盟于浮來者也又曰大峴水東南流逕邳鄉東東南
注于沐酈氏所紀則峴鄉爲峴山水所經其去峴山非遠正沂
水縣西北之境況沂水下流不由莒地若如齊乘言浮來在莒
西三十里去沂水甚遠水經注安得浮來水注沂乎後世不識
浮來所在遂以莒城西山當之耳

傳易許田 寰宇記魯城在許州潁昌縣南四十里鄭伯易許
田卽此城也

會于溫盟于瓦屋 名勝志東昌府觀城縣南三十里有瓦屋
城隱八年會于瓦屋者也紀要云溫在河內則瓦屋不在東郡
明矣以爲寰宇記之誤欽韓按寰宇記無此條蓋名勝志上文

引寰宇記因誤爲連文也

年九經于防 杜預云在華縣一統志華縣故城在沂州府費縣

東北六十里

年十經取郛 一統志郛城故城在曹州府城武縣東南十八里

古郛國漢屬山陽郡

取防 方輿紀要防城在兗州府金鄉縣西六十里

伐戴 水經注汧水東逕濟陽考城縣周之采邑于春秋爲戴

國按考城今屬歸德乾隆四十八年移治黃河北岸屬衛輝府

戴說文作戡釋文作載卽戡之誤

傳盟于鄧 與桓公十年會于鄧同非魯地

于老桃 續志任城國任城縣有桃聚紀要桃鄉城在濟甯州

東北六十里

年十一經于時來水經注濟水又東南逕釐城東春秋公會鄭

伯于時來左傳所謂釐也京相璠曰滎陽縣東四十里一統志
在開封府滎澤縣東

傳我先封續志魯國辭縣注地道記曰夏車正奚仲所封一

統志辭縣故城在兗州府滕縣南四十四里

王取鄔劉續志河南緱氏縣有鄔聚前志緱氏縣劉聚周大

夫劉子邑一統志鄔聚在河南府偃師縣西南劉聚在故緱氏

城南十五里三面臨澗甚險按此蓋鄭武公以來入爲卿士食

采邑于周者也詩譜岐邦周召之地爲周公旦召公奭之采地

周公封魯召公封燕元子世之其次子亦世守采地在王官春

秋時周公召公是也尙書大傳古者諸侯始受封則有采地百里諸侯以三十里七十里諸侯以二十里五十里諸侯以十五里其後子孫有臯黜其采地不黜使其子孫賢者守之以祠其始受封之人按此諸侯有功者卽詩所錫之士田附庸也經師述古各異耳詩傳諸侯入爲天子卿士受采祿王制云天子之縣內諸侯祿也鄭注選賢置之于位如諸侯不得世疏云言諸侯祿者得采國爲祿而不繼世故下云大夫不世爵此謂畿內公卿大夫之子得食父故之國采邑之地不得繼父爲公卿大夫故經直云祿也按文言不世爵則世祿可知白虎通諸侯入爲公卿大夫得食兩家采此通包內外諸侯皆世其采矣莊公之世亦爲卿士及身而奪之故君子譏之也